





Нэгдүгээр бүлэг

ЭХЛЭЛ

A man with glasses and a beard, wearing a dark suit and tie, is seated in a large, ornate chair. He is holding an open book and appears to be reading. The setting is a library or study, with bookshelves filled with books visible in the background. A large window with red curtains is behind him, and a chandelier hangs from the ceiling. The scene is rendered in a comic book style with bold lines and a rich color palette of reds, yellows, and browns.

Миний ярих энэ түүх
олон мянган жилийн тэртээх
эртний номд өгүүлэгдсэн юм.
Уншигч танд хэлэх үг бүр
минь үнэн.

Энд гарах зүйлсийн
заримд нь итгэхэд хэцүү ч
үнэн ихэнхдээ зохиосон зүйлсээс
хачирхалтай санагддаг.



Эхэнд буюу дэлхий ертөнц, нар сар,
од гариг, гэрэл, цаг хугацаанаас өмнө, ертөнцийн
хамгийн анхны хүн бүтээгдэхээс ч өмнө Бурхан байсан
юм. Бурхан ямар ч эхлэл үүсэлгүйгээр ганцаар оршин
байсан хэдий ч уйтгарлаж гуньдаггүй байжээ. Бурхан
хэмжээ хязгаартай хүн шиг биш бөгөөд гурван бодгаль
байдлаар нэг Бурхан дотор зэрэгцэн
оршиж байдаг юм.

Бодгаль тус бүр адил тэнцүү,
адил мөнхийн бөгөөд мөн чанар, шинж
байдал, хүч чадал, үйл хэрэг, хүсэл
зоригийн хувьд нэг болой. Тэр Өөр
дотроо эв зохицолтой хайраар
харилцан байдаг юм.

Гэвч Бурхан амьдралаасаа
бусадтай хуваалцахыг хүсжээ.
Тиймээс Тэрээр анд нөхөдтэй
болохыг хүссэн юм.



Библид* Бурхан олон тооны тэнгэрлэг биетийг Өөрийнхөө сэнтийг тойруулан талархал магтаал өргүүлэхээр бүтээсэн хэмээн өгүүлсэн байдаг. Гэтэл Люсифер гэгч нэгэн тэнгэр элч тэдгээр тэнгэрлэг биетүүдийн гуравны нэгийг удирдан эсэргүүцэл гаргажээ. Бурхан тэднийг тэнгэрээс хөөн зайлуулсан бөгөөд Люсиферын нэр Сатан болж өөрчлөгдсөн юм.



Гэвч энд өгүүлэх түүх бол тэдний тухай түүх биш билээ.

Харин энэ бол Бурхан хүн төрөлхтөнтэй ажиллаж буй түүх болой.


*Та 321-р хуудаснаас Библи хэмээх номын тухай өгүүлсэн товч тайлбарын талаар үзээрэй. Сатаны талаарх илүү тодорхой мэдээллийг Исаиа 14:12-14, 45:18; Езекиел 28:13-19; Матай 25:41; Лук 10:18; Илчлэлт 12:4, 20:2-с үз.

Эхэнд Бурхан тэнгэр газрыг
бүтээжээ. Газар дэлхий хоосон
харанхуй, хэлбэр дүрсгүй байсан
бөгөөд Бүтээгч усны мандал
дээгүүр элэн хальж байлаа.



Гэнэтхэн Бурхан харанхуй уруу
ийнхүү ярьж эхэлжээ...

"Гэрэл бий бологтун!"





Ойролцоогоор
МЭӨ 4004 он. -
Эхлэл 1:2-3

Энэ бүхэн орчин үеийн хүмүүсийн боддог шиг болоогүй юм. Бүтээгч хувьслын онолыг ашиглаагүй ээ. Харин Бурхан бүх зүйлийг зөвхөн үгээрээ хэлж оршин тогтнодог болгож бүтээсэн юм. Жирийн зургаан өдөр буюу 24 цагтай зургаан өдрийн дотор Бурхан ургамал ногоо ургаж, мал амьтан үржиж энэ дэлхийг дүүргэхээр бүтээсэн аж.

Зургаа дахь өдөр муу сүнснүүдийг харж байхад Бурхан газрын хөрс шорооноос нэгэн шинэ бүтээлийг бүтээсэн юм.




Тэрхүү шавар биет уруу Бурхан Өөрийн амьсгалаар үлээхэд хүн амин сүнстэй болжээ. Ийнхүү хүн амьд амьтдаас дээгүүр байдлаар Бурханы дүр төрхөөр бүтээгдэн бий болжээ.

Бурхан тэрхүү шинэ бүтээлээ Хүн хэмээгээд Адам гэдэг нэр өгчээ.




Бурхан Өөрийн бүтээсэн бүгдийг хараад "Нэн сайн болжээ" гэж хэлжээ.

Өдөр бүр Бурхан Адамтай
ярьдаг байсан бөгөөд бүх зүйл
тун гайхамшигтай байлаа. Бурхан
бүх амьтдыг Адамын өмнө нэр
өгүүлэхээр авчирчээ. Амьтан
бүрийг өмнүүрээ өнгөрөхөд
тэдэнтэй адил ижил хос өөрт нь
байхгүй байгааг ухаарчээ.




Тэгээд Бурхан
ийнхүү хэлжээ...

Адамд туслах
ханийг Би бүтээнэ ээ.



Бурхан Адамыг гүн нойронд автуулаад хажуунаас нь нэгэн хавиргыг авав. Мөнөөх хавиргаараа Бурхан Адамыг хайрлан түүнд туслах үзэсгэлэнт эмэгтэйг бүтээж өгчээ.

Бурхан Адамыг сэрээгээд нөгөө эмэгтэйгээ авчирж өгөв. Бурхан тэдэнд үр хүүхэд төрүүлэн дэлхий ертөнцийг дүүргээрэй гэв. Адам үзэсгэлэнт шинэ эхнэрээ "Ева" хэмээн нэрлэв.



Энэ бол миний яс махны тасархай.

Сатан буюу бузар нэгэн харж байлаа.


Хэдийгээр тэр хоёр хувцасгүй нүцгэн байсан боловч эгээ л хүүхэд шиг ямар байгаагаа огт мэдэхгүй байлаа.

Цэцэрлэг дотор тэд маш аз жаргалтай байлаа. Тэнд ямар ч гэм нүгэл, өлсөх цангах явдал байхгүй байсан төдийгүй хэт халуун, хэт хүйтэн ч гэж байгаагүй юм.

Та нар цэцэрлэг дэх бүх модноос жимс идэж болно. Харин цэцэрлэгийн голд байгаа ганц модноос л идэж болохгүй шүү. Хэрэв та нар идвэл идсэн өдрөө л үхэх болно.



Сатан Бурханыг үзэн ядаж байсан учраас хийж байгаа ажлыг нь устгахыг хүсжээ. Гэхдээ харин Еватай ямар нэгэн аргаар ярих хэрэгтэй байсан тул нэгэн сайхан бүтээлийн дотор орж амаар нь ярьлаа.



Бурхан чамд цэцэрлэгийн ямар ч модноос идэж болохгүй гэж хэлсэн үү?

Бурхан бид нарыг энэ модноос бусад бүх модноос жимс идэж болно гэсэн. Гэхдээ харин энэ модонд хүрэх л юм бол бид нар үхнэ.



Ха! Та нар үхэхгүй ээ. Харин идэх юм бол бурхад шиг л болно доо. Та нар бид нар шиг болж, гэгээрч сайн муу гэж юу болохыг мэддэг болно.




Гоё харагдаад
байна л даа. Идэхэд ч дажгүй
хоол болох юм шиг байна.
Идчихвэл намайг ухаантай болгоно
доо. Даанч Бурхан битгий
идээрэй гэсэн л дээ.

Ева Бурханы үгэнд
оролгүй жимсийг идлээ.




Нэгэнтээ оройтжээ. Ева
хууртсанаа сая л ухаарав. Ингэж
жимс идсэн нь сайн мууг мэддэг
болгосон ч түүнийг бузар муу нь
ялан дийлжээ.

Ева жимснээс авч, нөхөртөө
өгөөд идүүлэхээр ятгав.



Хараач, би
үхээгүй л байгаа биз дээ.
Идчих, тэгвэл чи над шиг
ухаантай болно шүү.

Эхлэл 3:1-6; Илчлэлт 20:2




Тэд гэгээрч, нүцгэн
байгаагаа мэдээд
ичицгээв.

Бид чинь
юу хийчихнэ
энэ вэ?

Бид нар Бурханы үгэнд
ороогүй байна шүү дээ. Бурхан
одоохон ирнэ дээ. Хоёулаа
нүцгэн байгаагаа нууя.


Ха,
ха, ха. Одоо Тэр та
нарыг ална даа! Намайг
яасныг нь хараач.



Адам чи
хаа байна
аа?

Би Таныг дууг
сонссон л доо.
Гэхдээ би нүцгэн
байгаа болохоороо
айгаад байна.

Хэн чамд нүцгэн байгааг
чинь хэлээв? Чи Миний
үгэнд оролгүй хориотой
жимснээс идчихээ юу?



Таны
надад өгсөн эмэгтэй
л надаар ийм юм
хийлгэчихлээ.

A woman with long dark hair, wearing a green dress made of leaves, stands in a forest. She is pointing her right hand towards a large, scaly dragon with a white and gold body. The dragon is standing on a yellowish ground. The background shows trees and a bright sky. A speech bubble is positioned above the dragon, and a larger speech bubble is at the bottom of the page.

Ссссссссс...

Могой л намайг
хуурчихлаа. Тэр л намайг үхэхгүй,
харин Тантай адилхан болно гээд
байсан юм. Харин би одоо Тантай адилхан
биш байна. Надад аймшигтай
муухай санагдаж байна.

Тэгээд Бурхан
могойг харааж
ингэж хэлэв...



Чи ийм юм хийсэн
учраас Би чамайг
элгээрээ мөлхдөг болголоо.
Чи үргэлж амаараа шороо
үмхэж явах болно.

Би чиний үр удмыг
эмэгтэйн үр удамтай
дайсан болголоо. Чиний
үр эмэгтэйн үрийн
өсгийг гэмтээнэ харин
эмэгтэйн үр чиний
толгойг бяцална.




Ирээдүйд болох тэмцлийг Би энд тунхаглаж байна. Эмэгтэйн үр Сатаныг ялах цаг ирэх болно. Тэр хүн, хүн төрөлхтнийг Бурханд буцаан авчирж, тэднийг гэм нүгэл ба үхлийн хараалаас чөлөөлөх болно.

Эхлэл 3:13-15



Бурхан Люсиферыг элч нарынх нь хамт тэр дор нь устгаж болох байсан ч тэгэлгүй үлдээсэн нь хүн төрөлхтнийг шалгахын тулд байсан юм. Хүмүүс Бурханыг дагах уу эсвэл Сатаныг даган цуг эсэргүүцэх үү?


Бурхан хүн төрөлхтнийг
ийн хараажээ...



Адам чи
эхнэрийнхээ нөлөөнд
автаж үгэнд нь орон Миний
үгийг дагаагүй тул Би газар
шороог хараан жимс ногоо
ургуулахаасаа илүү өргөс,
зангуу ургадаг болголоо. Тэгэхээр
чи газар шороог хүнс ургуулдаг
болгохын тулд хамаг хүчээрээ
зүтгэн ажиллах болно.
Чи насан туршдаа буюу үхэх
өдрөө хүртэл уй гашуутайгаар
хөлсөө урсган ажиллаад, чамайг
бүтээсэн тэр хөрс шороонд
буцан очих болно.

Бурханы хэлснээр Адам, Ева хоёр үхэх болж байна. Харин Бурхан тэднийг алахын оронд амьтан алаад арьсаар нь хувцас хийн өгөв.





Бурхан
биднийг алсангүй шүү
дээ! Бид амьд хэвээрээ
байна!

Бурхан
бидний оронд
амьтан алсан
байна!

Ямар ч гэм буруугүй амьтад
тэдний оронд үхсэн учраас тэр
өдөр Адам, Ева хоёр үхсэнгүй
үлджээ. Гэхдээ үхлийн шийтгэл
тэдний дээр тавигдсан учир
эцэстээ тэд үхэх л болно. Үхэл
бол гэм нүглийн шийтгэл мөн.


Адам, Ева хоёр нүгэлтнүүд болсон учраас Бурхан тэднийг үзэсгэлэнт цэцэрлэгээсээ гаргав. Ингэснээр тэд амийн модноос жимс идэн үүрд гэм нүгэлтэйгээ үлдэхгүй болох юм.




Бурхан цэцэрлэгийн хаалган дээр Херуб хэмээгдэх тусгай тэнгэр элчийг байлгаж амийн модонд хэнийг ч ойртуулахгүйгээр мануулж байлаа. Яваандаа цэцэрлэг ч устаж үгүй болон модыг тэндээс зайлуулсан юм. Нэгэн өдөр тэрхүү модыг буцаан энэ дэлхий дээр авчрах болно. Харин энэ тухай дараа өгүүлэх болно.



Адам, Ева хоёр өнөр олон хүүхэдтэй болжээ. Сүүлдээ тэдний охид, хөвгүүд хоорондоо гэрлэн олон хүүхэдтэй боллоо.



Тэдний ууган хүү Каин жимс ногоо ургуулдаг тариаланч болжээ. Харин удаах хүү Абел нь мал амьтан өсгөн малчин болсон юм. Энэ хоёрын аль нэг нь Бурханы амласан Сатаныг устгах хөвгүүн болох юм болов уу?



Каин, Абел хоёр хоёулаа Бурханы тухай мөн цэцэрлэгт юу болсныг ч хүртэл мэдэж байлаа. Харин Бурхан урьдынх шигээ хүнтэй мөр зэрэгцэн алхаж, ярьж хөөрөхөө больсон байв. Адамын дуулгаваргүй байдлаас болж үр удам нь бас өөрөө Бурханаас тусгаарлагдан салсан юм. Бурхангүй амьдрал хүнд хэцүү байлаа.



Бурхан минь, би
чинь нүгэлт хүн билээ.
Би энэ хургыг өөрийн
үхлийн төлөөс болгон
алаад Танд өргөж
байна.

Нэгэн өдөр Адамын хоёр хүү
Бурханыг дээдлэн мөргөхөөр
шийджээ. Эцэг нь тэдэнд цэцэрлэг
дотор Бурхан амьтан алсан тухай
ярьсан учраас итгэлээрээ Абел
амьтан нядлаад Бурханд өргөв.

Каин өөртөө байгаагаас хамгийн сайныг нь шилэн авчраад өргөсөн боловч тэр нь цусан өргөл биш байлаа. Каин өөрийнх нь гэм нүгэл Бурханыг хэрхэн гомдоодгийг мэдээгүй юм.



Бурхан минь,
би чинь нүгэлт хүн
билээ. Би энэ хургыг
өөрийн үхлийн төлөөс
болгон алаад Танд
өргөж байна.

Энэ хоёр хүний нэг нь амлагдсан
аврагч болох юм болов уу?


Эхлэл 4:1-4; Ром 3:23; Еврей 11:4



Кайн аа, үгүй ээ.

Кайны өргөл цусгүй байсан учраас Бурхан хүлээн авсангүй.

Бурхан Абелыг ч өргөлийг нь ч таашаав. Бурхан гэм зэмгүй хурганы цус урсахыг хараад Абелын нүглийг уучлан өршөөжээ.



Бурхан Каинд "Чи хийх ёстойгоо л хийсэн бол би чамайг таашаах байлаа. Бас дүү Абелаа чи захиран удирдаж тэр чиний удирдлага хяналтад байх байсан юм."

Чи өөрийгөө юу гэж бодоод байгаа юм бэ? Миний жимс ногоо тэр муу цустай хурганаас чинь илүү үнэтэй. Хэн чамайг тэгтлээ онцгой болгоод байгаа юм бэ?

Ах минь ээ, цусан өргөл өргөх цаг байж л байна шүү дээ.






Миний
хувьд одоо
боллоо!
Хангалттай!

ТУГ!!

Абел үхэв. Харин Каин дүүгээ алсан нүглээ нуун далдлах гэж оролдов.

Эхлэл 4:5-8

Гэсэн хэдий ч Каин бузар үйлдлээ Бурханаас нууж чадаагүй юм. Бурхан бүгдийг харж мэдэж байлаа.



Каин, дүү чинь хаа байна?

Би яаж мэддэг юм бэ? Би дүүгээ харж байх ёстой болж байна уу?

Дүүгийн чинь цус газар байж л байна. Тэр цус Надад чиний бузар хэргийг илчилж байна.

Бурхан бүхнийг мэддэг юм. Тэр бүхнийг үргэлж харж ажиглаж байдаг. Юу ч Бурханаас нуугдаж чадахгүй ээ. Каин Абелыг яасныг Бурхан мэдэж байлаа. Бурхан Каиныг хараав. Тэгээд Каин эхнэрээ аваад цөл уруу зайлан одов. Каин хийсэн нүглээсээ болж ихэд зовон шаналж байлаа.



Каин амлагдсан аврагч болж чадсангүй. Харин ч өөрт нь аврагч хэрэгтэй боллоо.

Хүн анхлан бүтээгдсэний дараа төрөлтийг гажигтай болгодог мутантын генүүд үүсээгүй байсан бөгөөд харин ийм генүүд үүссэнээс хойш Бурхан ойрын төрлийн хамаатнуудыг хоорондоо гэрлэхийг хориглосон ажээ.

Авралыг авчрах Бурханы амласан хүү юу болов? Адам, Ева хоёр дахин нэг хүүтэй болсон бөгөөд түүнийг Сет гэдэг байв. Мөн түүнээс гадна олон охид, хөвгүүд Адам, Ева хоёроос төржээ.




Каины
алсан хүүгийн
минь оронд
Бурхан надад
өөр хүү
өглөө.

Эхлэл 4:9-16, 5:4; Үйлс 17:24-26

Сет хүү төрүүлж түүнээс нь хүү төрж цаашид олон хөвгүүд төрсөн боловч гэмийг зайлуулж үхлийг ялан дийлэх хүү төрөөгүй л байлаа. Түүнээс хойш удалгүй дэлхий дээр хот суурин, тосгод бий болон олшров.





Шинэ үе удмууд үүсэн,
хүмүүс өсөн олшрох
тусам гэм нүгэл улам
нэмэгдэж байв. Хүмүүс
завхайрч, балмад хэрцгий
болж байлаа. Тэдний
бодол санаа бүр бузар
заваан болжээ. Хэн ч гэм
зэмгүй зөв шударга
амьдарч чадсангүй. Адам
нэг нүгэл үйлдсэн бол
хүмүүс зүсэн бүрийн
нүгэл хилэнц үйлдэж
байлаа.

Бурхан ийнхүү айлдав.
“Би газар дэлхий дээр хүнийг
бүтээсэндээ харамсаж байна. Би
энэ дэлхий дээрх амьтай болгоныг
устган үгүй хийнэ” Бурханы хаант
улсад хорсон хилэгнэдэг Сатан
Бурхан бүхнийг устгаж байгааг
хараад баярлан хөөрөх болно.

Анхны хүнээс хойш даруй
есөн үе (1,400 жил) өнгөрсөн
байлаа. Харин дэлхий ертөнц
гэм нүглээр дүүрчээ.


Хүмүүсийн нэг нь нөгөөгөө
зарцлан боолчлох болов.

Бурханыг хайрлан, Түүнийг
дуулгавартай дагах гэр бүл
ер нь гарах болов уу?

Эхлэл 6:5-6; Ром 5:12



Ойролцоогоор МЭӨ 2500 он



Харин ганц хүн л дандаа зөвийг үйлдэж шударга амьдардаг байлаа. Бурхан бүх хүмүүсийг устгахаар шийдсэн ч ганц энэ хүнийг таалан нигүүлсэж гэр бүлийнх нь хамтаар устган хороохгүй байхаар шийдэв.




Ноа,
Би дэлхий дээр
бүхэлд нь
асар их үер ус
буулгах болно.
Амьсгалтай бүхэн
үхэж үрэгдэнэ. Чи
гэр бүл, өөрийгөө
болон амьтдаа
аврахын тулд
нэг том онгоц
хийгтүн.

Энэ
дэлхий дээр байдаг
амьтан бүрээс эр, эм нэг хосыг
өөрсөдтэйгээ хамт онгоцонд
авч ор. Идэхийг зөвшөөрөгдсөн
амьтдаас долоог авах хэрэгтэй.
Би чамд тэр онгоцыг хэрхэн
барихыг зааж өгнө. Мөн үерт
юу бэлтгэх хэрэгтэйг чинь ч
хэлж өгнө.

Ноа тэр Сатаны үйлийг устгах мөнөөх аврагч болж чадах болов уу? Ноа Бурханыг дагах уу эсвэл бас л алдах юм болов уу?



Идэх хоол хүнснээс гадна дэлхий дээрх амьсгалдаг амьд амьтан бүрээс нэг хосыг багтааж чадахаар том байлгахын тулд онгоц ямар хэмжээтэй байх ёстойг нь Бурхан Ноад хэлж өгөв.



Болох их үерт бүх хүмүүс
устаж үгүй болно гэдэг
Ноад тун харамсалтай
байлаа. Тийм болохоор
Ноа хүмүүсийг гэм нүгэл
үйлдэхээ болихыг байнга
сануулж байв.

Би та нарт сүүлийн удаа
хэлье. Бурхан дэлхийг их
үерээр устгах гэж байна. Та
нар надад итгэж онгоцыг
хийлцээч.

Хайрын
Бурхан яаж
хүүхдүүдээ
устгах юм
бэ?

Хөгшин
зөнөг!

Нүглээс л болж тэр.
Та нар гэм нүгэл үйлдэхээ
больж бие биенээ хайрлан
шударга байх хэрэгтэй.


Онгоцыг хийж дуусгахад буюу 120 жилийн дараа Бурхан амьтдыг Ноа уруу дэлхийн зах хязгаараас авчирлаа.

Хараач,
дахиад өөр
амьтад ирж байна. Яг
л хүн дуудсан юм шиг
өөрсдөө ирээд байх
юм.

Зарим
нь ямар хачин
харагддаг юм бэ.
Ийм амьтад байдаг
гэж ерөөсөө бодоогүй
юм байна. Бурхан үер
буулгана гэж Ноагийн
яриад байгаа юм
болох юм болов
үү?

Яаж тийм
юм байх юм бэ?
Дэлхийг бүхэлд нь
бүрхэж гүйцэх тийм
их усыг хаанаас
ирүүлэх гээ вэ?





Одоо
ч бараг зайгүй
боллоо.

Эд
сүүлчийнх
нь шүү.

Ноа
цаг нь боллоо. Одоо
гэрийнхнээ аваад амьтдын
хамт онгоцондоо ор. Гэм
нүглээсээ ухраагүй болгоны
хувьд тун удахгүй дэндүү
оройтсон байх болно.

Бурхан усан онгоцны хаалгыг хаав. Нэг долоо хоног өнгөрөхөд юу ч болоогүй л байлаа.




Ха,
ха, Хараач
энэ тэнэгүүдийг!
Мангар том онгоцон
дотор бөөн амьтадтай
чихэлдээд хув хуурай
газар далай уснаас
хол хаагдчихаад
сууж байдаг.

Харин
тийм ээ. Өдийд
лав арслангууд
тэднийг залгичихсан
байлгүй.

Тэр
дотор долоо хоног
болж байна шүү дээ!


Гэтэл долоо дахь өдөр бороо орж эхлэв. Газрын гүнд хуримтлагдсан байсан ус ч гадаргуу дээр оргилон гарч ирлээ.



Ийм юм ер үзэж байгаагүй юм байна. Бурхан хүн бүрийг нүглийнх нь төлөө устгана гэж тэр завин дотор байгаа солиотой амьтдын яриад байсан нь үнэн юм биш биз дээ?

Битгий хөгийн юм яриад байгаач. Бурхан чинь хайр шүү дээ. Яаж ганцхан хүн зөв байгаад шүтлэгт удирдагчид маань бүгдээрээ буруу байдаг юм бэ?


Үүнээс өмнө ер бороо орж байсангүй. Цаг агаар үргэлж сайхан байсан бөгөөд шүүдэр хөрсийг чийгшүүлж өгдөг байлаа. Урьд өмнө борооны тухай дуулж мэдсэн, үзэж харсан хэн ч байгаагүй тул хүмүүс Ноаг тэнгэрээс бороо орно гэж ярьж байдаг солиотой амьтан гэж бодож байлаа. Харин Ноа Бурханы хэлсэн үгэнд итгэсэн юм.



Ноагийн
үгийг би сонсдог л
байж. Би ямар тэнэг
байгаа вэ!

Бурхан
минь ээ, нялх
үрийг минь
авраач!

Ойролцоогоор МЭӨ 2348 он



Хүмүүс Ноагийн
ярьж байсныг үнэн байжээ
гэж ухаарах тэр үед бүх
зүйл хэдийн оройтсон
байлаа.

Дөчин өдөр дөчин шөнө бороо орж
дэлхийн уул толгод бүр далдлагджээ.
Ноагийн онгоцон дотор байгаагаас
бусад амьсгалтай бүхэн үхэж
үрэгдэв. Тэд онгоцноос гарах хүртэл
бараг жил гаруй хугацаа орно.



Ус
татарч энэ
онгоцноос гарах
болбол би ёстой их
баярлахсан.

Эцэст нь Ноа нэгэн тагтааг гарган нисгэхэд мөнөөх тагтаа амандаа модны мөчир зуун буцаж ирсэн нь хаа нэгтээ газар мод ургаж эхэлсний тэмдэг байлаа. Дараа дахин нөгөө тагтаагаа явуулахад эргэн ирсэнгүй нь амьдрах тухтай газар олсон хэрэг байжээ.

Нэг их удсангүй усан онгоц
Арарат хэмээх уулын орой
дээр зогслоо. Ямар ч гэм
нүгэлгүй шинэ газар дэлхий
дээр бүгд буун ирлээ.



Ноа тахилын ширээ өрж Бурханд амьтнаар тахил өргөв. Ноа зөв шударга нэгэн байсан хэдий ч зүрх сэтгэлд нь гэм нүгэл байсаар л байлаа. Тэрхүү цусан өргөл Ноа ба түүний гэр бүлийнхний амь насны оронд Бурханд өргөгдсөн юм.




Өргөлийн амьтад нь үерт үхэх ёстой байсан боловч Бурханы нигүүлслээр аврагдсан найман хүнийг төлөөлж байсан юм. Энэ зүйл цэцэрлэг дотор Бурхан амьтад алан Адам, Ева хоёрт хувцас хийж өмсгөсөнтэй адил зүйл байв.

Би
та нарт солонгыг
сануулга болгон өгч
байна. Би үүнээс хойш газар
дэлхийг хэзээ ч усаар дахин
устгахгүй. Та нар олон хүүхэд
төрүүлж дэлхий даяар
тархан суурьшиж дахин
дүүргэх ёстой.



Би амьтдыг хүнээс айдаг болгоно. Та нар алив амьд амьтан, газрын хөрсөн дээр хөдөлж хөлхөгч бүрийг ургамал ногоог иддэгийн адил идэж болно. Харин та нар ямар ч амьтны цусыг идэж болохгүй. Хэнийг ч бүү ал.



Хэрэв
хэн нэг нь хүн алсан бол уг хүн өөр хүнд алагдах болно. Хэрэв хэн нэг нь өрөөл бусдын цусыг урсгавал уг хүний цусыг өөр нэгэн урсгаж хийсэн хэргийг нь төлүүлэх болно. Учир нь хүний амь цусандаа байдаг юм.




Ноа цэцэрлэгч болж, усан үзэм тарьж ургуулжээ. Газар дэлхий дээр дөрөвхөн гэр бүл байсан тул жаахан уйтгартай байлаа. Удалгүй Ноагийн хүүхдүүд үр хүүхдүүд төрүүлж өнөр өтгөн болцгоов.



Ноа жимсийг саванд хийж тавиад хэдэн долоо хонуулахад тэр нь исэж дарс болон уухад сонин болгодгийг олж илрүүлжээ. Ноа тэр дарсандаа тун дуртай болсон учир заримдаа ажлаа ч хийхээ болив. Тэгээд тэр ямар ч ухаангүй болон дороо унадаг байлаа. Энэ байдал нь Бурханы дургүйг хүргэдэг зүйлсийг хийхэд хүргэжээ.



Нэгэн өдөр Ноа маш их согтож хамаг хувцсаа тайчаад нүцгэн хэвтэж байлаа. Хүү Хам нь аавынхаа ичгүүрт байдлыг харсан боловч энэ нь түүнд таалагджээ. Тэгээд ах дүү нартаа аавыгаа харснаа шоолон ярьжээ.



Ноаг
сэрэхэд
хөвгүүд нь
Хамын юу
хийснийг
хэлэв.

Чиний
хүү Канаан,
тэрний үр удам
ах Шемийн чинь
удамд зарцлагдан
боолчлогдох
болно доо.

Олон жилийн дараа мөнөөх эш
үзүүллэг биеллээ олов. Канаанчууд
яваандаа Палестинд суурьшин
иудейчүүдэд боолчлогдох болсон юм.

Адам, Ева хоёр

Сет

Абел

Каин

Энэ найман хүнээс бусад бүх хүнийг Бурхан устгав.



Ноа гэр бүлийнхнийхээ хамтаар Бурханы нүдэнд тааллыг олжээ.

Иафет баруун ба хойд зүгт явж тэндээ суурьшин өсч үржжээ. Шем зүүн зүгт явж Ази тивд суурьшжээ. Хам урд зүгт явж, зүүн өмнөд Ази болон Африк тивд оршин суув. Хүү Канагийнх нь үр удам одоогийн Палестины нутагт суурьжээ. Ийнхүү газар дэлхий дахин хүнээр дүүрчээ.

Ойролцоогоор МЭӨ 2247 он

Ноагийн хүү Хам нь Куш нэртэй хүүтэй байсан бөгөөд Куш Нимрод гэдэг хүүтэй болжээ. Нимрод бүх дэлхийд алдар цуутай агуу их анчин болжээ. Нимрод Бурханыг дагахаас татгалзаж Бабел хэмээх газар өөрийн зохиосон хуурамч шашныг эхлүүлжээ.

Бабелын хүмүүс Бурханы тушааснаар газар оронд тархаж дэлхийг дахин хүнээр дүүргэхийг хүсээгүй тул хамтран цуглараад мөргөлийн төв болгохоор өндөр цамхаг барьж эхлэв.






Харин мөргөн шүтээд
байгаа нь тэднийг
бүтээсэн Бүтээгч биш
байлаа. Сатан тэднээр
өөрсдөд нь зориулан
мод, чулуу, төмрөөр
бурхад бүтээлгэв.



Ижил хэлээр ярьдаг болгон нэгэн зүгт явцгаав. Нэг хэсэг нь дэлхийн хязгаар нутагт одож, өөр нэг хэсэг нь харин хөлөг онгоцоор ус далайг гатлан арлын зүг хөдлөв. Зарим нь хойд зүгийн хүйтэн газар очиж, үлдсэн зарим нь харин өмнө зүгийн халуун цөл газруудад нүүн суурьшив. Ийнхүү газар дэлхийг дахин хүнээр дүүргэ гэсэн Бурханы тушаал биелэгджээ.



Газар дэлхий хүнээр
дүүрэхэд нүгэл хилэнц
ч бас дахин өсөж
нэмэгдлээ. Хүмүүс хуурамч
шүтээнүүдэд мөргөн
сөгдөж амьд агуу Бурханаа
ор тас мартаx нь тэр.

Ойролцоогоор МЭӨ 2247 он
- Эхлэл 10:6-10, 11:1-9



<https://goodandevilbook.com/>